

Branu

U soli spazza di i so raghji li furesti spimpillanti dopu à un piovu d'aprili. Luccicheghja a mezu arburi un paisuchju. Un aceddu chjuchjuleghja è rinnasci a natura chì si era lasciata alliscià da i gocci freschi.

L'arburi si scuzzuleghjanu i branchi tesi versu u fiori giaddu di a speranza. Pà issi stradioli nisun passu si face senta.

È puru tuttu ci pare cusì vivu, in fatti centini di capuchji culuriti si alzanu versu un celu chjaru di libertà, sbattendu a traversu li staghjoni i so cullarini. U sonu è l'accendita ùn li spaventanu. In a tarra amata sò arradicati pà u sempri. È sè qualchì volta un aciddonu neru scunvolga la vita ghjè pà rivendicà ghjustizia è libertà.

Issa biddezza nuanzata di stragi rifletta a storia di u populu ch'eddi pugnanu di suffucà. Com'è un focu chì rende l'anima ci vole à attizzà i sensi.

Da li monti è da li piaghji, com'è un mughju prufundu scutu da l'infinitu cresce lu to nomu : libertà. Un ventu di verità soffia nantu à a tarra.

Cantu veru è prufundu chì faci drizzà u pelu è ci strigni lu core, ci unisci pà sempri. Senti la nostra patria chì trema sottu à i pedi